


Азбука веры » Календарь » Каноны » Николай Мирликийский, чудотворец » Канон святителю Николаю, архиепископу Мир Ликийских, чудотворцу

Канон святителю Николаю, архиепископу Мир Ликийских, чудотворцу

глас 2



Пёснь 1.

Ирмос: Во глубинё постлá иногдá фараонíтское всево́инство преоружённая сýла, вопло́щенное же Сло́во всезло́бный грёх потреби́ло ёсть, препрослáвленный Господь, сла́вно бо прослáвился.

Венцено́сец престо́лу Христо́ву, премúдре Никóлае, предсто́я со а́нгельскими во́инства, просвещёние мí даруй, озаря́ющее ду́ши моея́ омраче́ние, я́ко да восхвалю́, ра́дуясь, твою́, всеблаже́нне, па́мять.

Прославля́я вся Господь То́го сла́влящая, тя ве́рным прибёжище даде́, напáстей избавля́юща притека́ющия к твоему́ кро́ву, Никóлае, и призыва́ющия тя ве́рою и любóвию, преслáвне.

Богорóдичен: Сравни́тся желáние мí вложив змíй вселука́вый, Содётелю, я́ко плённика, восхíти. Тобо́ю же, Всечíстая, воззвáн бы́х, обожíвсь и́стиннейше: Ты́ бо, о Богома́ти, мене́ Обожíвшаго родила́ еси́.

Пёснь 3.

Ирмос: Процвела́ ёсть пусты́ня я́ко крíн Гóсподи, язы́ческая непло́дящая це́рковь, пришёствием Твои́м, в неёже утверди́ся моё сёрдце.

Никóлае блаже́нне, Влады́ки и́скренний учени́к ты́ б́ыв, спаса́еши к тебе́ притека́ющия от лю́тых бёд и сме́рти го́рькия.

Очи́сти рабы́ Твоя́, грехо́в оставле́ние, я́ко б́лаг, даруя, Николáя, Твоего́ уго́дника, я́же к Тебе́ ходáтайствы, Многоми́лостиве.

Богорóдичен: Утоли́ смущёние ду́ши моея́, Пречíстая, и жízнь окорми́, Всесвята́я, Бóга рóждшая, в Нёмже утверди́ся сёрдце моё.

Седáлен.

Возше́д на высотú добродётелей и Божёственными оттúду, óтче, озари́всь сия́нии чудёс, пресвётел воистинну яви́лся еси́ мíрови па́стырь, на́м — в напáстех сýй предстáтель непобедíмь; те́мже, преслáвно врага́ победíв, лжу́ отгна́л еси́, и челове́ки спáсл еси́ от сме́рти, Никóлае. Моли́ Христа́ Бóга грехо́в оставле́ние дарова́ти

чтущим любовью святу́ю па́мять твою́.

Сла́ва: Реку́ исцелений, обильне излива́ющую, и исто́чник тя́ чудес неоску́дный показа́, Нико́лае, ми́лости бездна: тяжкими бо недугами го́рце дручи́мии и злоклю́чеными жити́я лю́те му́чиими всякия ско́рби целе́бную вои́стинну обрета́ют лечбу́, тёплое твоё защи́ение. Сего́ ра́ди вопие́м ти́: моли́ся Христу́ Бо́гу прегрешений оставле́ние дарова́ти пра́зднующим любовь святу́ю па́мять твою́.

И ны́не: Яко́ Деву́ и еди́ну в жена́х, Тя́, без семене ро́ждшую Бо́га плоти́ю, вси́ ублажа́ем, роди́ челове́чести: о́гнь бо всели́ся в Тя́ Божества́, и яко́ Младенца́ дои́ши Зижди́теля и Го́спода. Те́м, а́нгельский и челове́ческий ро́д, досто́йно сла́вим пресвято́е Рожде́ство Твоё́ и согла́сно вопие́м Ти́: моли́ Христа́ Бо́га согрешений оставле́ние дарова́ти поклоня́ющимся ве́рою пресвято́му Рожде́ству Твоему́.

Пёснь 4.

Ирмо́с: *Прише́л еси́ от Девы́ не ходата́й, ни а́нгел, но Са́м Го́споди вопло́щся, и спа́сл еси́ всего́ мя челове́ка; те́м зову́ ти́: сла́ва си́ле Твоё́й, Го́споди.*

Прибли́жився чи́сте заря́м духо́вным, светно́сец бы́л еси́, ми́ра просвеща́я концы́, все́м предста́тельствую́я и вся́ спаса́я ве́рою, к тебе́ притека́ющия.

Избавля́я от сме́рти, яко́ яви́лся еси́ пе́рвее, Нико́лае, ю́ноши, преподо́бне. Та́ко и ны́не мя спаси́ от вся́каго обстоя́ния, и напа́стей, и бе́д, всеблаже́нне.

Облиста́л еси́ добродете́лей сия́ньми, всеблаже́нне, подража́тель преизря́днейший Твоего́ Влады́ки бы́в, спаса́еши же, призыва́емь, благоговéнием и любовью́ ты́ сла́влящия.

Богородичен: На́йде на Тя́ Влады́ка тва́ри воплоща́емь, и спаса́я, яко́ благоутро́бен, всего́ мя челове́ка: те́мже, ве́рнии, Богороди́цу Тя́ сла́вим.

Пёснь 5.

Ирмо́с: *Просвеще́ние во тме́ лежа́щих, спасе́ние отча́янных, Христé Спа́се мо́й, к Тебе́ у́тренюю, Царю́ ми́ра, просвети́ мя сия́нием Твои́м, ино́го бо ра́зве Тебе́ Бо́га не зна́ю.*

Боголе́пным жити́ем, треблаже́нне, просвеща́емь, осужде́нныя непра́ведным изрече́нием умре́ти, предста́в, изба́вил еси́, Влады́це Христу́ зову́щия: ино́го бо, ра́зве Тебе́, бо́га не зна́ем.

На небесе́х присносу́щную сла́ву ны́не зря́, и неизгла́голанныя и божество́нныя зары́ светле́йшими наслажда́ясь сия́нии, покрый́ мя

предстательством твоим, преподобне, угодниче Христов всечестне.

Богородичен: Да Твой взыщещи образ, погребенный страстьми, Спасе, небесных утайся сил, воплощся из Девы, явился еси Тебе зовущим: иного, разве Тебе, Бога не знаем.

Песнь 6.

Ирмос: *В бездне греховней валяясь, неизследную милосердия Твоего призываю бездну: от тли, Боже мя возведи.*

Иже победы, Николае, венец на твоём версе достойно положися, яко победитель убо изряднейший, ты призывающия спаси.

Умерщвлена мя, блаженне, прегрешеньми и страстей треволнеными погружаема, явился, спаси ко пристанищу Божественных воли.

Богородичен: На Тя надежды возложих, Мати Приснодево, спасения моего, и Тя предстательницу полагаю жизни, тверду же и непоколебиму.

Кондак.

В Мирех, святе, священнодействитель показался еси, Христово бо, преподобне, Евангелие исполнив, положил еси душу твою о людех твоих, и спасл еси неповинныя от смерти. Сего ради освятился еси, яко великий тайник Божия благодати.

Икос:

Воспойм ныне святителя песнями, мирским людем пастыря и учителя, да молитвами его просветимся: се бо явился чист весь, нетленен духом, Христу принося жертву непорочну, чисту, Богу благоприятну, яко святитель, очищен и душею и телом. Темже сый истинно Церкви предстатель и поборник сея, яко великий тайник Божия благодати.

Песнь 7.

Ирмос: *Образу златому на поле Деуре служиму, трие Твои отроцы небрегоша безбожнаго веления, посреде же огня ввержени, орошаеми, пояху: благословен еси, Боже отец наших.*

Острому искушению впадох, люте пострекаемь, и ко вратом ада приближися, скорбьми поражаемь, спаси мя молитвами твоими, блаженне, и возстави, поюща: благословен еси, Боже отец наших.

Незаходимаго света невещественными лучами облистаемь, сущия во тме скорбей озлобленные исхити и к просвещению веселия настави, поющия: благословен еси, Боже отец наших.

Богородичен: Моли Христа, Сына Твоего и Бога, Дево Богородительнице, проданныя лютыми прегрешеньми и лестями змийными кровию Его честною избавитися, поющим: благословен еси,

Бо́же оте́ц на́ших.

Пёснь 8.

Ирмо́с: *В пещь о́гненную ко отроко́м евре́йским снизше́дшаго и пла́мень в ро́су прело́жшаго Бо́га, по́йте дела́ яко Го́спода, и превозно́сите во вся́ ве́ки.*

Яко́ бла́г и сострада́телен во глубине́ напáстей лю́те содержи́мая свободи́, блаже́нне Нико́лае, от содержи́ащих лю́тых, разреше́ние пода́й моли́твами твои́ми я́же ко Спа́су Христу́, священнотайнниче.

Тайновóждь сýщих па́че ума́, святы́х служи́тель и небéсных сýй, богому́дре, архиере́й же ве́рен, прегреше́ний оставле́ния проси́ от Спа́са на́шего, священноявле́нне.

Богоро́дичен: Изнемога́ет мо́й ны́не у́м, во глубину́ впа́д безче́стия, яко́ отвсю́ду разли́чными объ́ят е́смь злы́ми; но Ты́, Де́во, исцели́, безстра́стия све́том одева́ющи.

Пёснь 9.

Ирмо́с: *Безнача́льна Родите́ля Сын, Бо́г и Госпо́дь, вопло́щься от Де́вы, на́м яви́ся, омраче́нная просвети́ти, собра́ти расточе́нная, те́м Всепе́тую Богоро́дицу, велича́ем.*

Свещáми благода́ти, богому́дре, просвещáемь, и свети́льник благоче́стия я́ве бы́л еси́, сýщия в напáстех спаса́еши, и сýщия во глубине́ морсте́й избавля́еши, и пита́еши а́лчущия пресла́вно, всеблаже́нне.

И́же в рай сла́дости ны́не водворя́йся и неизрече́нную сла́ву я́сно зря́, от небéсных крúг певцы́ тво́я назира́еши, от страсте́й избавля́я, богано́се, всеблаже́нне.

Богоро́дичен: Прему́дрость, и Си́лу, и Сло́во ипоста́сное О́тчее, Богома́ти Чи́стая, родила́ еси́, от Твои́х пречи́стых крове́й сво́й хра́м прии́мшую и Сему́ по соедине́нию соедини́вшую неразде́льно.

Свети́лен.

Вели́каго архипáстыря и иерáрха вси́, председа́теля Мирликийскаго Нико́лая восхва́лим: мно́ги бо му́жи спасе́, непра́ведно умре́ти иму́щия, и царю́ явля́ется со Авла́вием во сне́, реша́ непра́ведный сýд.

Сла́ва: Вельми́ тя просла́ви в чудесе́х Госпо́дь и жи́ва и по конце́, иерáрше Нико́лае: кто́ бо от любве́ ве́ры то́кмо свято́е твоё́ и́мя призо́вет и не áбие услы́шан, те́пла тя предста́теля обрета́ет?

И ны́не: Му́дрость ипоста́сную, и Сло́во пресу́щественное, и Врача́ все́х Христа́ ро́ждши, Де́во, гно́ения и я́звы ду́ши моея́ исцели́ лю́тыя и

многовременно́я и се́рдца моего́ стра́стная помышле́ния умертви́.

👁 57К 🗨 24